

鄧州志卷之二

古延蔣光祖振襄氏纂修

星野

星野躔次具載於史志然紛紛異同未有能窺其指歸者唐僧一行以山河兩戒定分野後世多宗之鄧之分野或以為角亢或以為翼或以為張謂張宿者近是而諸家之說亦並存之未可遂廢也夫天道遠而難言人事約而可守然羨惡之極與天地相流通故星野之說若無可憑而占驗所符或提如影響豈盡誣哉閱識遠覽之士嘗有窺其微者固難為淺見

鄧州志

卷之二 星野

寡聞道也志星野

周禮保章氏以星土辨九州之地所封之域皆有分星

以觀妖祥鄭註鶉火柳星張之次周也

前漢地理志韓地角亢氐之分野也韓分晉得南陽郡

晉書地理志秦以楚漢北之地立南陽郡本夏禹之國自東井六度至亢

六度謂之壽星之次鄭之分野與韓同分

晉天文志自柳九度至張十六度為鶉火於辰在午周

之分野屬三河費直起柳五度自張十七度至軫十

一度為鶉尾於辰在巳楚之分野屬荊州費直起張十三度蔡

費直起張十三度翼軫楚荊州南揚入翼六度

唐天文志柳七星張鶉火也初柳七度餘四百六十四秒七少中七星七度終張十四度北自滎澤滎陽並京索晉山南得新鄭密縣至外方東陽斜至方城抵桐栢北自宛葉南暨漢東盡漢南陽之地又自維邑負北河之南西及函谷逾南紀達武當漢水之陰盡弘農郡以淮源桐栢東陽爲限而申州屬壽星古成周虢鄭管鄧東虢密滑焦唐隨申鄧及祝融氏之都新鄭爲軒轅祝融之墟其東鄆則入壽星柳在輿鬼東又接漢源當商洛之陽接南河上流七星係軒轅得土行正位中岳象也河南之分張直南陽漢東與

鶉尾同占 地理志鄧隨泌均爲鶉火分

明天文志柳四度至張十五度鶉火之次也河南之南陽府鄧汝裕三州皆張分

按分野之說以一行爲準而天文之學至 本朝極精今 勅修明史與唐志合則鄧之分星爲張蓋不易之論也